



Aningaasaqarnermut Akileraartarnermullu Ataatsimiititaliaq

Oktobarip ulluisa 14-ianni isumasioqatigiinnissamut aggersaaneq

14. oktober 2013
Sagsnr. 2013-090713
Dok. Nr. 1363403

Aningaasaqarnermut Akileraartarnermullu Ataatsimiititaliap Ineqarnermut, Pinngortitamut Avatangiisinullu Naalakkersuisoq 2014-imut Aningaasanut inatsisissatut siunnersuut pillugu isumasioqatigiinnissamut aggersarparaa. Aggersaanermi Aningaasaqarnermut Ataatsimiititaliap AIS14-imut tunngatillugu apeqquteqaataanut Naalakkersuisut akissuteqaataat tunngavigineqarpoq.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: ipan@nanoq.gl
www.naalakkersuisut.gl

Apeqquut 1

Apeqquummut tunuliaqutaasoq:

Apeqquut 2.8-mut Naalakkersuisup akissutaa konto pingaarneq 73.94.02-mut tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

- a) Apeqquutini akineqanngitsut ataatsimiititaliaq isumaqarpoq. Oqaasertaliussamut siunertaq ataatsimiititaliamit tamakkiisumik paasineqarpoq. Ataatsimiititaliilli paasisinnaanngilaa illut sorliit nukissiorfiillu ataasiakkaat sorliit pineqarnerat Naalakkersuisut paasissutissiisutigisinnaanngimmassuk. Akineqarnissaa ataatsimiititaliamit aalajangiusimaneqarpoq.*

Akissut:

Naalakkersuisut apeqqut imatut paasivaat, illoqarfinni/nunaqarfinni sorlarni illuutit suut Nukissiorfiit tunisisimaneraat imaluunniit siunissami tunerusunneeraat Aningaasaqarnermut Ataatsimiititaliap paaserusukkaa.

Aallarniutigalugu naatsumik oqaatigineqassaaq, oqaasertaliusaaq pisariillisaanermut suliassamut aalajangersimasumut atatinneqanngimmat. Oqaasertaliussami Nukissiorfiit suliffeqarfittut imminnut ingerlattutut ingerlatsinermit nalinginnaasumut atatillugu illuutiminik ingerlaavartumik naleqqussaasinnaanissaat qulakkeerneqarpoq.

Taamaalilluni oqaasertaliussami pisussaaffiit pinnaatitaaffiillu aserfallatsaaliuinermit aningaasartuutitut, naatsorsuusiormut, nalikilliliinermut kiisalu illut nalinginut naleqqiullugu malinnaatinneqarnissaa qulakkeerneqarpoq.

Nukissiorfiit illunik sunik tunisisimanerannut aammalu piffissami aggersumi sunik tunisinissamik pilersaaruteqarnerannut paasissutissanik Naalakkersuisoqarfik pissarsiniarsimavoq:

- Nukissiorfiit 2013-imi Ittoqqortoormiini ujaqperitoqaaq tunivaat, allagarsiinermut eqqartuussissuserisunullu aningaasartuutunut matuseqqalaarfiusunik iluanaaruteqarfigalugu.
- Nukissiorfiit Ittoqqortoormiini inissiat inissiisarfiit marluk Kommuneqarfik Sermersuumut tunniuppaat. Illut tunniussaammata tunineqaratillu matumani oqaasertaliussaq atorneqanngilaq.
- Nukissiorfiit Tasiilami allaffeqarfitoqaaq kommunimut tuniniarlugu misilissimagaluarpa, kisiannili isumaqatiginninniarnert maannakkut uninngatik kallarneqarput.
- Nukissiorfiit Qaanaami inissiisarfinnik nutaanngitsunik marlunnik atorfissaarunneqarsimasunik illuuteqarput. Siunissami tunineqassappata iluanaarutissat annikitsuararsuunissaat naatsorsuutigineqarpoq.
- Sisimiuni illuutip inissiisarfiup minnerusup tunineqarnissaa Nukissiorfiit kissaatigaat, niuernerq eqqarsaatigalugu atorfissaarunneqarsimammat.
- Tamatuma saniatigut Sisimiuni illut arlallit tuniniarneqarnissaat eqqaaneqarsimavoq, kisiannili Nukissiorfiit nutaamik nunap immikkoortuinut siammarterneqarnerisa kingunerisaannik pilersaarutit taakku maannakkorpiaq nalilersoqqinneqarput.

b) Aaqqissuussinermiit pineqartumit illut sorliit pineqarnersut aammalu tunisinermi iluanaarutaasimasinnaasut pisariillissanermik suliniutinut sorlernut atorneqarsimanersut Naalakkersuisunit akineqarsimannngilaq. Akineqarnissaa ataatsimiititaliamit aalajangiusimaneqarpoq.

Akissut:

Pisariillisaanermut sulissat arlaannut tunisinermi iluanaarutaasimasinnaasunik atuisimanermut tunngatillugu ilisimatitsissutigisinnaavara, tunisinermi iluanaarutit amerlasuutigut appasittarmata. Pisariillisaanermi iluanaarutaasartoq amerlanertigut tassaasarpoo, Nukissiorfiit illunik aserfallatsaaliuinermit ingerlatsinermullu aningaasartuuteqartussaajunnaartarnerat.

Kisiannili tunisinermi iluanaaruteqartoqassappat, taakku illoqarfimmi/nunaqarfimmi pineqartumi akit appartinneranut iluaqutaasinnaapput, illoqarfimmi nunaqarfimniluunniit ataasiakkaani isertitat innaallagissamut imermullu akinik naatsorsuinermit ilaatinneqartussaammata.

Apeqquut 2

Apeqquummut tunuliaqutaasooq:

Apeqquut 3.5-imut Naalakkersuisup akissutaa sanaartornermut tunngasoq.

Naalakkersuisumik apersuinermit akineqartussatut Aningaasaqarnermut

Ataatsimiititaliap apeqquutaa:

- a) Sanaartornermik ingerlatat kommuninut sisamanut agguataarsimanerisa procentinngorlugu paasissutissiisutigineqarnissaanik ataatsimiititaliap ujartuina akissuteqarfigeqquneqarpoq.*

Matuma kinguliani takussutissiami AIS2014-imi sanaartornermut aningaasaliissutissat mio. koruuninngorlugit agguarneqarnerat takutinneqarpoq.

	AIS			
	2014	M 2015	M 2016	M 2017
Kujalleq	38,7	72,8	24,0	0,0
Sermersooq	192,3	132,0	104,0	122,0
Qeqqata	14,4	10,4	8,4	0,4
Qaasuitsup	22,8	65,7	50,0	0,0
Kommuninut				
agguagaanngitsut	286,3	286,9	290,3	302,3
Katillugit, Nukissiorfiit				
ilanngunnagit	554,4	567,8	476,7	424,7
Nukissiorfiit	145	145	145	145
Katillugit	699,4	712,8	621,7	569,7

Matuma kinguliani takussutissiami AIS2014-imi sanaartornermut aningaasaliissutissat %-inngorlugit agguarneqarnerat takutinneqarpoq.

	AIS			
	2014	M 2015	M 2016	M 2017
Kujalleq	7%	13%	5%	0%
Sermersooq	35%	23%	22%	29%
Qeqqata	3%	2%	2%	0%
Qaasuitsup	4%	12%	10%	0%
Kommuninut				
agguagaanngitsut	52%	51%	61%	71%

Suliassanut aalajangersimasunut 2014-imi aningaasanik atugassiinissaq pillugu Naalakkersuisut kommuninut oqaloqateqarput. Taakku agguanneqareerpata, suliassanut aalajangersimasunut atugassanngortitsisoqarsinnaalissaaq.

Apeqquut 3

Apeqqummut tunuliaqutaasooq:

Apeqquut 4.1 b-mut Naalakkersuisup akissutaa sanaartugassanut illoqarfinnut agguataakkanut takussutissiamut tunngasooq.

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqquutaa:

- a) *Apeqqummik tamatuminninga suleqatigiissitap sulinerata naammassereerfissaatut piffissaliussaq ataatsimiititaliamit paasissutissiissutigeqquneqarpoq.*

Akissut:

Apeqquutip taassuma naammassillugu sularineqarnissaanut piffissamik killiliisoqanngilaq, suliaq ingerlaavartuummat.

Apeqquut 4

Apeqqummut tunuliaqutaasooq:

Apeqquut 12.9-mut Naalakkersuisup akissutaa konto pingaarnermut 77.05.03-mut tunngasooq.

Naalackersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

- a) Uuliaarluernermit akiuiniarnermi atortut nutarterneqarsimanerat nakkutilliarlorluni takuniaanermini avatangiisinut immikkoortortap qanoq qulakkeertarpa?

Akissut:

Sungiusarnernut atatillugu avatangiisinut immikkoortortaqarfiup qatserisartoqarfiit suleqatigalugit atortut misissortarpai. Upalungaarsimasut pingaartumik umiarsualiveqarfinni imartanilu sinerissamut qanittuniittuni uuliaarluernermit isumaginissinnaapput. Puttaqutit assiaqutsersuutaasut 200 meterit, kiisalu katersuinermut atortut assigiinngitsut illoqarfinni 12-iusuni taakkunani immikkut atortorineqarput. Atortut uulianut oqitsunut naatsorsuussaapput, aammalu uulianut oqimaatsunut atorsinnaanngillat. Atortut aningaasaqarnermut sinaakkusiussat iluanni pitsaanerpaamik ingerlaavartumillu nutarterniarneqartarput.

- b) Apeqqut b-mut Naalackersuisut akissutaat ataatsimiititaliamit ima paasineqassava; atortut atorsinnaanngippata imaluunniit siunertamut naleqqutinnngippata tamatuma Namminersorlutik Oqartussanut aningaasatigut kingunissai Naalackersuisunit ilisimaneqanngitsut?

Akissut:

Imartani avatangiisini annertunerusumik mingutsitsisoqassappat, tamanna annertooujussuarmik kinguneqarsinnaavoq. Taamaattumik Naalackersuisut kontomut pingaarnermut 70.01.01-imut oqaasertaliussaq aqqutigalugu 5 mio. koruunit nalinginut aningaasatigut qularnaveeqqusiinissamut piginnaatinneqarput, 3 s̆milinut killeqarfiup iluani avatangiisinut sinerissamut qanittunut upalungaarsimanermit suliniutinut matussutissanik. Mingutsitsisoqassappat, mingutsitsisup sillimmasiissutaa atorlugu saliineq akilernerqassaaq.

Apeqqut 5

Apeqqummut tunuliaqutaasoq:

Kalaallit Nunaanni avatangiisinut aningaasaateqarfimmik pilersitsinissamut siunnersuut UKA EM 2013/33.

Naalackersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

- a) Aalajangiiffigisassatut siunnersuutip akuerineqarnissaanik Naalackersuisoq innersuussuteqarpoq. Tamanna AIS14-imut qanoq sunniuteqassanersoq paasissutissiisoqarnissaa ataatsimiititaliap kissaatigaa, aammalu tamanna tunngavigalugu Naalackersuisoq AIS14-imut allannguutissatut siunnersuummik saqqummiussilersarpa?

Akissut:

Akissuteqaammi oqaatigineqartutut pissutsit arlallit sukumiisumik misissuiffigineqarnissaat pingaaruteqartoq Naalackersuisut isumaqarput. Ilanngullugu aningaasaateqarfiup isumatusaartumik ilusilernerqarnissaa, naalackersuinikkut tamakkiisumik nakkutigineqarnissaa il.il. Suliaqarneq missingersuusiortarnermut

inatsisip iluarsaanneqarnissaanut, 2014-imi Inatsisartuni suliarineqartussatut naatsorsuutigineqartumut ataqatigiissarneqassaaq. Naalakkersuisut avatangiisinut aningaasaateqarfiup pilersinneqarnissaanut pissutsinik misissuinissamut aningaasaliissutissanut allannguutissanik siunnersuuteqarsinnaapput.

Inussiarnersumik inuulluaqqusillunga



Mette Lyngø